

ماسى سىيە بۆچكەلە

نۆسەر: سەمەد بېھرەنگى

وەرگىپان: سارۇ خوسرەوى

ناسنامه‌ی پرتووک

ناو پرتووک: ماسی سییه‌بۆچکه‌له

نووسەر: سه‌مه‌د بیهره‌نگی

وه‌رگی‌پان: سارۆ خوسره‌وی

وینه‌کار: داوود مه‌جیدیان

ویراشته‌ر و پێداچوونه‌وه: ژیار جه‌هانفهرد

دیزان رویه‌رگ: فواد گو‌ده‌رزی

چاپ یه‌کم: سال ۲۰۱۱ کانه‌دا، وشنگه‌ی پرینت دیپۆ

چاپ دووم: سال ۲۰۱۵ ستۆک‌هولم، سوید، چاپخانه‌ی ئە‌رزان

وہرگیران نئی کتاوہ پیشکشہ شہ وہ منالہیل میلکانم

ک ہمیں پیشکشہفتن بانان ولاتہگہمانن!

پیشوهتن

سارۆ خوسرهوی " له دالگ بۆی بازگر زه هاو له ناوچهی کرماشان له سال ١٣٥٦ هه تاوی (شه مسی) ه .

سارۆ سه واد مه دره سه یی خو هی له پله ی زانسته گه له ناو نیشتمان دالگی ته نانه ت وه زوان فارسیش نه توانسته یه ده سپی بکه ی و تام تال جیایی له خاکئ و ژان دۆری له ولاتی له سن که می گه وه ئه زمون کردییه ، به س هه ست ناسک و دل زامداری ولوله و شه پۆل و لافاو ناو سینگ ته نیا گه رد وه زوان هاوردن شی عرا ئامووش کردییه ، جار جاریش وهل کیشان وینه و نه قاشیه یلییا ک باس له په ژاره یگ داکیشای له جه سه ی ئامووش کریای له ولاتیگ خه واره که د .

ئێ جاره سارۆ ده س کردییه سه ناو زانیاری و قودرته وه رگی ران ئه دبیا ت فارسی وه کوردی . ده س ناسه بان به ره م که سیگ ک جی پای له ناو ئه دبیا ت مناله یل دیاره . سه مه د بیهره نگی ، خاوه ن ئه ندیشه ی گه ورا و پله و پی نگی به رز له ناو ئه دبیا ت منال له ئیرانه . هه ر وه ی بوونه وه هه لگه ردان کاره یل سه مه د بیهره نگی وه کوردی ، یه کیگ له کاره یل نا ئاسانه . زۆرم ماسی سییه بۆچکه له ^١ ک پر هیزترین و وه ناوترین به ره م سه مه د بیهره نگیه .

^١ . له فارسی : (ماهی سیاه کورچلو).

۱ و: سارو خوسره وی

ئى کار سارو خوسره وييه، جى ده سخوه شى گه ورايگ ديړى ک
توانيه وه زوان کوردى هه ليوه گه ردنى. له ئى کاره ک ها نوای
چه ودان، وه شيوه ی فره فره زانستییگ کار هه لگه ردان سه رى
سه قام گرتییه و هه ول دایه ک وهل قسه یل پیښه نان و مه سله ته یل
ناوچه، هاوخانى یا نزیکی فره یگ، ئه وچونه ک سیاست وه گیرانى
بپارزیه ی، بداشتو.

جاریگتر ده سخوه شى له لى که م وه ئارزوو درخستن و چاپ
کردن کاره یل ترى.

مارچ ۲۰۱۱، وه نکور کاناډا،

سیامه ک نه چه فی

پیشه کی:

سه مه د بیهرنگی کییه؟

سه مه د بیهرنگی، چیرۆکنۆس، مینه وان و ههلبهستان، ساڵ ۱۳۱۸ ههتاوی له گهڕهک^۱ چه رهنداب له شار ته ورین له بنه ماله یگ هه ژار و دهستنهک چه وه ژیان روشن کرد. باوگن پیانگ کاسبکار یه یلوینگ^۲ بق. سه مه د هه ر له دهوران منالیه وه له باوش هه ژاری و نه داری پا گرت و گه و ره بق. ئه و وه دل و گیان ژان و ئیش ژیان وه ته مام هه بۆنییه و هس کرد و توانی ناعداله تییه گان ناو کۆمه لگهی خوهی و خه لک به شخوریای ئیران له ری پینۆسه گه یه و بره سنیت.

هه ر وه و بوونه وه ده میگ ک گه و ره بق و ده س چه پ و پاس خوهی ناسی، بۆه یار و دل سوژ هه رایه هری^۳ مه ردم هه ژار و نه دار. سه مه د مامۆستا بق و له ری زانست و په روه رده وه، توانی خزمه ت فره یگ وه مناله یل بی ده رته تان و ده سته نک سه رده م خوهی بکه د. ئه و مامۆستا یگ بق ک توانی ترقسکایی همی و پرشنگ زانست و زانیاری بخره ته ناو دل و دیده ی هه زاران منال به شخوریای له دیه که یل دۆره ده س ئازه ربایجان. ئه و توانی یانزه ساڵ وه ک

۱. Gerrek مه حله.

۲. Destenik به له نگاز، و دلنگه واز، هه ژار، نه دار.

۳. Herayheri هه میشه بی.

مامۆستایگ دڵسۆز و فه‌داکار دهرس نه‌سلاینگ بدهی ک هیمان شانازی وه پێوه که‌ن. سه‌مه‌د له‌ سه‌ر ئه‌و بیروب‌اوه‌ره‌ بق‌ ک ترۆسکه‌ هه‌رچه‌ن کز و بچ‌نز بوود، وه‌لئ هه‌ر رۆژناییه‌ و یه‌ی رۆژایگ تێد گشت لایگ رۆشنه‌و که‌د. سه‌مه‌د له‌ سه‌ر ئه‌و باوه‌ره‌ بق‌ ک زانست و یادگیری بایه‌س وه‌ شپۆه‌ی گشتی له‌ خزمه‌ت کۆمه‌لگایا بوو، ک ژیان و گوزه‌ران مه‌ردم ئالشت بکه‌د. سه‌مه‌د هه‌رگز نه‌توانی چاره‌ی خوه‌ی له‌ چاره‌ی مه‌ردم هه‌ژار جیاوه‌ بکه‌د. سه‌مه‌د له‌ خوه‌ندنه‌گه‌، منال په‌روه‌رده‌ کرد ئه‌پرا ئه‌وه‌یگه‌ بوونه‌ به‌یداخ‌ه‌لگر خه‌بات، دژ وه‌ زلم و سته‌م. ئه‌و ژان سه‌ره‌کی هه‌ژاره‌گان ده‌سنیشان کردبوو و هه‌رده‌م ئه‌پرا په‌یا کردن چاره‌، تیکۆشا. سه‌مه‌د ئیمانی وه‌ هیز گه‌ورا و به‌رفراوان مه‌ردم بق‌، ئه‌و باوه‌رپه‌ند وه‌ ئه‌وه‌ بق‌ ک یه‌ مه‌رده‌م ک دیرۆک ئافرینن. سه‌مه‌د له‌ سه‌رده‌میگ ژیا ک رژیم په‌هله‌وی وه‌ گرانتیرین شپۆه‌ فشار دخته‌ سه‌ر مه‌ردم رۆشنییر و نوخبه‌ی ئیرانا.

سه‌مه‌د چیرۆکنۆس بق‌، چیرۆکنۆسیگ ره‌سه‌ن و راسکانی. ئه‌و توانی وه‌ نۆسان چیرۆکه‌یل فره‌یگ دژ وه‌ سته‌م و زوورداری، دهرس زه‌رپینیگ بده‌یته‌ کۆمه‌لگه‌یل ئیرانا. چیرۆکه‌یلی وه‌ک "کویر عوغلی"، بیست و چوار ده‌مژمار له‌ ناوه‌ی خه‌و و هه‌لسان" و "ئه‌فسانه‌ی خوه‌شه‌ویستی" به‌سه‌ ئه‌پرا ئه‌وه‌ی ک بزانییم سه‌مه‌د چه‌نیگ هه‌نگاو هه‌لگر بۆه‌ له‌ ئاشنا کردن خه‌لک هه‌ژار وه‌ گه‌رد ماف و خواسته‌یل خوه‌یا‌نا.

ماسی سییه بۆچکه له ۹

سه مه د سال ۱۳۴۷ له چه م ئه رهس وه شیوه ئی مه شکوک و گوماناوینگ خنکیا و ئه پرا هه میشه مالاوایی له ژیان کرد. سه مه د له دنیا چی، به لام دهرس و چیرۆکه گانی بۆنه سه سه ردیپ ژیان مه ردم ئیران و وهک خوه ر له هه رچینگ ماله نور به شه وکه ن.

سه مه د له ژیان و کار ئه ده بی خوه یا توانی چیرۆکه ییل فره یگ پیشکش و ئارپاسه ی خوه نه ر و به رده نگه ییل دنیا ی ئه ده بیات بکه د. له وانه توانیم ئشاره بکه یمن وه. "کویر ئوغلی"، "وه سه رهات یه ی قه تره وه فر"، "که چه ل که موته ر باز"، "ئه فسانه ی خوه شه ویستی"، "یولڈز و قالاو"، "پیره ژن و جۆجکه هۆلان"، "دوگله پشی"، "بیست و چوار ده مژمار له ناوه ی خه و و هه لسان"، "یه ی هه لوقه هزار هه لوق"، "یولڈز و وه یلکانه"، "مناله له بله بی فرۆشه گه"، "قالاوه گان و وه یلکانه گان و ئایه مه گان" و "ماسی سییه بۆچکه له" و چیرۆکه ییل فره ی تر.

"ماسی سییه بۆچکه له" گه وره ترین شاکار سه مه ده، ک وه چه ندین زوان زینی دنیا وه گێپان بوه.

به رده نگ و خوه نه ر هه نین!

ئه وه ی ک من ئه نتریک کرد ک ئی شاکاره هه لگه ردان بکه م، دو چشت بی. یه کم من خوه م هورمان فره شرینینگ له ئی چیرۆکه دیرم. ها وه هورم له سه رده م منالیم هه ناینگ ک ئاواره بۆمن، یه کمین پرتووکینگ ک له پرتووکخانه وه ئه مانه ت هاوردم و خوه نیمه ی، هه ر ئی کتاوه بق. من له ری ئی داستانه و، وه دنیا ی

خوهنن مه یله وارهو بۆم. "ماسی سبیه بۆچکه له" چاشانه م ک خاس چه وه یلم بکه مه و دنیا بگه ردم و چشته یل تازه ی یاد بگرم. هه مئیش له پئی ئی کاره وه خوازم خزمهت بۆچکیگ بکه م وه ئه و مناله یلیگه ک وه ئی شیوه زاره قسه که ن. وه دلنیا یه وه توانم بۆشم شیوه زار کوردی خوارین (که له پری)، فره ده وله مه نه و ئه را ئه وه کرئ فره شاکار وه پئی بنۆسرئ وه هه لگه ردان بکرئ. من وه هه لگه ردان ئی چیرۆکه هان خوه م دامه و تیکۆشامه ک فره وشه یلی ک گه ها له هۆره و چیبۆن، سه ره له نوو بخره مه سه ر زوان. له دواییشا توانم بۆشم ئه گه ر ئی شیوه زاره له ناو بچوو، به ش گه و رایگ له زوان کوردی له ناو چئیه . با بیلیمه ئه و که سه یله ک له مژاره یل ئه ده بیات کاران، هه ولّ بده ن له پئی کاره یل ئه ده بییه و خزمه تیگ وه زوان کوردی بکه ن!

سارۆ خوسرهوی

ستۆک هولم _ سوید

ماسی سییه بۆچکه له

له کوو باریم و له کوو بژنهویم، بژنهویم له ماسی پیریگ، ک له شهو چله له بن دهریا، ده - دوانزه ههزار له منال و نهوهی، جه م کردبۆه دهوور خوهیا و ههکایهت ئه رایان کرد.

سهرتان وه ژان نارم، یه ماسی سییه بۆچکه له یگ بۆک وهل دالگیا له ناو جوویگ ژیان. ئه و جووه له ناو دل تاش و کهش و کهمه ره، له پاتاو^۱ کۆه گانه و هاتیاته دهر و لیژهو بۆیات وه ره و ناو دهروه ن.

مال ماسی بۆچکه لگه و دالگی له بن کوچک سییه یگ بۆ، له ژیر یه ی په رده ی قه و زاخ^۲. شه وانه، دووانی له بن قه و زاخه گان خهفتیان. ماسی سییه، ئه زرت ئه وه له دلئ بۆک ئه را جار یگیش بۆه خوه ره له ناو مال خوه یان بوینی!

دالگ و کۆر په گه ی، روژ تا ئیواره له شوون یه که و بۆن، جار و باریش وه گهر د ماسی تره کا هامیته بۆیان و گورج گورجی سه ره کردنه شوونیگا و له بنووا گله و خواردن. ئی وه چکه ته نیا منال بۆ.

^۱. pataw پامان، داوین، دامنه کوه).

^۲. Qewzax (جلبک).

وهی بوونه وه که دالگئ ههزار گله گهرا نابۆدوه ته نیا ئئ دهنکه له لئیان سهر ساق له ئاو دهرهاوردیۆ.

چهن رۆژئگ بق ماسی بۆچکه له خه ریک فکر ئه وکرن بق و فره کهم قسه کردیاد. ته مه له و بق و زهوق و شهوق بازی له فکری په پریۆد^۱. ههر ئیسهر ئه و سهر کردیا و فره جاریش له دالگئ ماوه جییه و.

دالگئ فکر کرد مناله گهی که میگ بی تا قهت و ناساقه و وهی زق خاسه و بوو، وه لئ دهرد ماسی سییه، چشتیگ تر بق!
رۆژئگ ماسی بۆچکه له گول سوو دالگئ له خه وا کرد^۲ و وهت:
دالگه! توام چهن قسه یگ وه گهر دتا بکه م.

دالگئ وه دهم خه وه و وهت: ئاخو رۆ له گیان! ئیسه وهخت قسه کردنه!

قسه گه د بیل ئه پرا دۆاجار، خاستر نییه بچیمن ئه پرا گه یشته و گیل^۳؟

۱. Perribüd په رۆد (پریده بود).

۲. Le xewa kird له خه و هه لسان (از خواب بیدار کرد).

۳. Geyst û gêll گه شتوگوزار، سهیران.



ماسی بۆچکه له وهت: نه! دالگه من دی تاقت گهردیان نه یرم.
بایهس له یره بچم.

دالگئی وهت: یانئ ههر بایهس بچی؟

ماسی بۆچکه له وهت: ئه ری دالگه، ههر بایهس بچم.

دالگئی وهت: ئاخو وهی گول سووه، توای ئه را کووره بچی؟

ماسی سیهه بۆچکه له وهت: توام بچم و بزنام ئاخر جووه گه ها کووره .

زانی چه دالگه! ئیهه چه مانگیگه هامة فکر ئه وهیا بزنام ئاخر جووه گه ها له کووره و ههتا ئیسه سه ر له ی کاره دهرنه هاوردمه . له دقه شه وهو تا ئیسه خه و نه که فتهیه سه بال چه وم و هه ر له ناو فکر و هور شه ی خوه م هاتمه سه گوما، تا ئاخره گه ی بریار دام ئه پرا خوه م بچم و ئاخر جووه گه بوینه و. پیم خواه شه دهنگ و باس شوونه یل تره کیش بزنام .

دالگئ خه نی و وهت: منیش وهخت خوه ی که منال بوم، فره جار فکر وه ئی چشته یله کردم، ئاخر کوپه شیرینه گه ی دایه! ئی جووه سه ر و بن نه یرئ، هه ر ئیه سه ک دوینیده ی! جووه گه دایه م هه ر چوود و نه په سیه شوونگا .

ماسی سیهه بۆچکه له وهت: ئاخر دالگه گیان! مه گه ر هه ر چشتیگ دقای نیه تئ؟ شه و دقای تئ. روژ دقای تئ، هه فته، مانگ، سال و...

دالگئ توویا وه پیا و وهت: واز له ی قسه یل قوت و گه وره بار. به و! هه نس! با بچیم ئه پرا گه ردیان. ئیسه وهخت گه ردیانه نه وهخت ئی قسه یل نه وه پیه!

ماسی سیهه بۆچکه له وهت: نه دالگه، من له ئیجووره گه ردیانه یله شه کهت و وله کهت بومه، توام بکه فمه پیا و بچم بزنام

ماسی سییه بۆچکه له ۱۵

دهنگ و باس شوونهیل ترهک چۆنه . گهها^۱ بۆشی یه کهسیگ کلکم بهسی، وهلی یه بزانی که من خوهم فره وهخته هامة ناو فکر ئه وهیا . ههلبهته فره چشتیش له ئیلا و له ئهولا یاد گردهم و چاشیامه . وه فره مهسال ئییه زانستمه ک زۆرم^۲ ماسیهگان له سهراڤه ی پیرییا گلهیی دیرن ک ژیانییان وه هیج پهتی له دهس چیه . هه میسه ئه زهار نارهزایی و ناسزایی کهن و وه هه رچیگ چشته په لپ گرن . له راسییا من توام بزانی ژیان هه ر ئییهسه که دایه م له شوونینگ، بای و بچی تا وهختیگا که پیر بوو و تهمام . یاکوو کرید له ی دنیا وه شیوهی ترهک ژیان بکهی؟

دهمیگ قسهیل ماسی بۆچکه له وه په رتخ^۳ رهسی، دالگی وهت: رۆله گیان! ئه وه تو لئویایده^۴؟ دنیا! .. دنیا! دنیا! چه؟ دنیا ئی شوونهسه که ئیمه له ناوی ژیهیم .

له ی دهما، ماسی گه وره یگ نزیک مالئیان ئه وبق و وهت: هاوسا! ئه وه له سه ر چه گه رد مناله گه دا مشت مرته، چما ئیمرو نیاز گه ردیان نه ییرین؟

۱ . Geha گاههس، رهنگه، هاتی (شاید).

۲ . zorim فرهتر، زۆریه (اکثریت، بیشتر).

۳ . Pertix کۆتایی، دوایی (پایان).

۴ . Lêwıyan شیته بۆن، دیوانه بۆن.

دالگه ماسی، وه دهنگه دهنگ هاوساگهی، له مال هاته ئه ودهر و
وهت: که فتمه سه ناو چ دهوراننگا! ئیسه دی گهی^۱ مناله گانه
کلاس ئه پرا دالگه یلییان دابنه ن.

هاوساگیان وهت: یانی چه؟!

دالگه ماسی وهت: تو بزانی نیمه ناتمام باوه قووره ته، تواد
ئه پرا کووره بچوو! هه رده م ئوشی توام بچم بزانی دهنگوباس دنیا
چهس! تو بنووره ئی قسه یل قهویه وه.

هاوساگیان وهت: بۆچکه له! ئه وه له که یه و بۆده سه زانا و
فه یله سووف وه ئیمه نه وه تیده؟!

ماسی بۆچکه له وهت: خانم من نازانم تو وه چه ئوشی "زانا و
فه یله سووف" من ته نیا له گهردیان بیخودی و هه ره یوا شه که ت
بۆمه و نیه توام وهی گهردیان بیهوده دریزه بییه م و دل خوه م
خوهش بکه م و وهختیگیش له برسم بام بوینم وهک ئیوه پیر بۆمه
و هیمان هه رئه و ماسیمه که چه و رقم نه کریایه سه و.

هاوساگه وهت: وهی رۆ!.. لهی قسه یله!

دالگه وهت: باوه رم نیه و ته نیا رۆ له م، هه رچی که سه گه م، له یوا
له ناو ده ربای! نیه زانم چ بی باوگیگ نیشتیه سه بن بال مناله
نازاره گه م و له یوا له ره وهن هه لسانتییه سه ی^۲!

^۱ Gey نۆره، نه و به ت.

^۲ Le rewen hellisanêyese ی له سه ر ری راس هه لینگرتیه (گمراهش

کرده است).

۱۷ ماسی سییه بۆچکه له

ماسی بۆچکه له وەت: کەس نەنیشتییه سه بن بال من. من خوەم
خاوەن ئەقل و هووشم و ئەورەسم، چەو دێرم و دوینم.

هاوساگە، وە دالگ ماسی بۆچکه له گە وەت: خوەیشکە! ئەو
هەلەزوون پێچ پێچەگە، ها هۆرد؟

دالگ وەت: راس ئۆشی، فرە کەفتە دەور و وەر منالەگەم. بۆشم
خودا... نیه زانم چە وە پێ بکە! ئەگەر وە ژێر سەر تو بی، خوا
تۆش شەرت باری.

ماسی بۆچکه له وەت: بەسه دالگە! ئەو پەفییق من بی.

دالگی وەت: من نەژنەفتمە ماسی و هەلەزوون پەفییق یەک بن!
ماسی بۆچکه له وەت: منیش نەژنەفتمە ماسی و هەلەزوون دژمن
و نەیار یەکتەر بن، وەلێ ئیوه سەر ئەو بەدبەختە کردینە ژێر ئاوا.
هاوساگە وەت: ئی قسەیلە قەدیمین.

ماسی بۆچکه له وەت: ئیوه خوەتان باس قەدیم تیرینە ناو.
دالگی وەت: هەر ئەرا کوشتن خاس بی، لە هۆرت چیه سه و
لەیلا و لاولا دانیشت و چ قسەیلێ کرد؟

ماسی سییه بۆچکه له وەت: بەس منیش بکوشن، ئەرا یەک
منیش هەر ئەو قسەیلە کەم.

۱. Ewrrresim ره‌سه‌و، تێده‌گه‌م، فام دکه‌م (می فه‌م).

سهرتان وه ژان نارم! ماسیهیل ترهک وه دهنگ قرم و قالهگه وه هاتنه ئه پرا ئه وره . قسهیل ماسی بۆچکه له گشتیان ئه سه بانێ کردبو .



یه کیگ له ماسیهیل پیر وه ت: له خوهتا پهحم وه پیت کهیم؟

۱۹ ماسی سییه بۆچکه له

یه کیگ ترهک وهت: ته نیا یه ی گووشه جه په ی بۆچکه له توای!
دالگ ماسی سییه بۆچکه له وهت: تهک بیه نه ئه ولا! دهس نه یه نه
مناله گه مهو. کور ئه وهسه دهس بیه یه قه ییه و!
یه کیگ ترهک وهت: خانم وهختا وهو جووره یگه نیازه مناله گه د
مخت^۱ نیه که ی، بایه د جزاگه یشی بوینی.
هاوساگه وهت: من ئه پام شهرمه هاوسای ئیوهم.
یه کیگ ترهک وهت: تا کار له کار نه ترازیا یه، بلا کلئ بکه یم ئه پرا
لای هه له زوونه پیره گه .

ماسی ییل هاتن تا ماسی بۆچکه ل بگرن، په فیه گانی ده ری
کردن و له شه په گه دۆری خسته نه و. دالگ ماسی سییه گه وه سینگ
کوتان و شین و هه یمه پوو وهت: هه ی پوو! مناله گه م خه ریکه له
کیس چوود، چه بکه م! خه پگ کووره بگرمه سه رم!
ماسی بۆچکه له وهت: دالگه ئه پرا من مه گریه، ئه پرا ئی ماسی ییل
پیر و داماگه بگریه .

یه کیگ له ماسی ییل گان له دۆره و هاوار کرد و وهت: ته وهین مه که
نیمه ناتمه مام یه ی بنگزی.
دو ییمی وهت: ئه گه ر بچی و په شیمان ئه و بۆد، دی له قه ره
نیه یلیمه د^۲.

۱. Mixt ئه ده ب (تریبیت).

۲. Le qere nyeylêded. ری وه پید نیه د.

سییمی وهت: ئییانه هات و ههوس دهورهی جوانیه، مهچوو!

چوارمین وهت: چما ئیره ئهیی چهس؟

پهنجمین وهت: دنیای ترهک نییه، دنیا هه ئیرهسه، گل بخوهوه!

شهشمین وهت: نهگه ر عاقل بوڊ و بایدنهو، نهوسا باوهږ وه پید

کهیمن که وه پراسی ماسی فامیده و زانایگی.

ههفتمین وهت: ئاخر ئیمه خوو دایمنهسهو پیت.

دالگی وهت: رهحمیگ وه حال من بکه، مهچوو! مهچوو!

ماسی بوچکه له گه له وه زیاتر وه گهردیان قسه نه کرد. چهن گله

وه دووسه یل و هاوپییهیل هاوسن و سالل خوهی تا لای شه تاوه گه


کلئ کردن و گل نه و خواردن. ماسی بوچکه له وه ختی له نه وان

جیاوه بی وهت: ره فیقان وه ئومید دیدار! له هورهو نه وهینه م.

دووسه گانئ وه تن: چق له هورهو بهیمنه د؟ تو ئیمه له خه و

نه زانین خه وهر کردی، چشته یلیگ نیشانمان دایده که جاران فکر وه

پئ نه کرد بومن، وه ئومید دیدار، نهی دووس زانا له هیچ نه ترس.



ماسی بۆچکه له شه تاوه گه هاته وخوار و كهفته ناو گوول
ئاوه گه، ئه وه لجا ر شله ژیا^١. وه لئ له شوونیا دس كرده مه له كردن
و دهور دا بین وه دهور گوول ئاوه گه یا. تا ئه و وهخته ئه وقه ره ئا
له یه شوون نه بو. هه زاران گله میكوته سه ره^٢ له ناو ئاوه گه دهور

١. Şellejiya په شیو بو، (آشفته شده).

٢. Mîkutesere له فارسی (کنجه ماهی).

۲۲ و: سارۆ خوسرهوی


دییان. هه‌نای چه‌ویان که‌فته ماسی بۆچکه‌له‌گه، تانه و ته‌شه‌ر دانه
لئ و وه‌تن: تو تماشای ئی سه‌ر و قیافه‌یه بکه! ئه‌ری تو دی چ
گیانه‌وه‌ریگید؟

ماسی بۆچکه‌له‌ وه‌ گشتی سه‌رنجیان گرت و وه‌ت: له‌لیدان
خوازیارم ته‌وه‌ین مه‌که‌ن. ناو من ماسی سییه بۆچکه‌له‌س.
ئیه‌یش ناو خوه‌تان بۆشنه پیم با گه‌رد یه‌کا ناشناوه بيمن.
یه‌کیگ وه‌ میکوته‌سه‌ره‌گان وه‌ت: ئیمه وه‌ یه‌کتر ئۆشیم
میکوته‌سه‌ره.

ئه‌وه‌که‌ی تریان وه‌ت: په‌سه‌ن و خاون شوون و دوون.

۲۲ ماسی سییه بۆچکه له

یه کێ ترهک له لییان وهت: له ئیمه قهشهنگتر له ی دنیا نییه .



یه کینگ ترهک وه لییان وهت: جوور تو سه ر و قیافه مان خراو

نییه .

ماسی بۆچکه له وەت: لەو باوەرا نەویم ک ئیوه ئەوەنە خو
پەسەن بین، وەلئ قە ی نیه کەد من ئیوه بەخشم، چۆن ک لە بۆ
نەفامیە و ئئ قسە یله کەین.

میکوتەسەرەگان گشتیان وە یە جار وەتن: یانئ ئیمە
نەفامیمن؟

ماسییەگە وەت: ئەگەر نەفام نەویاتین زانستین ک لە دنیا فرە
ملەت ترەک هەن ک سەر و قیافەیان لە لای خوێانەو قەشەنگە!
ئیوه تەنانت ناوگە یشتان هین خوێتان نییە .

میکوتەسەرەگان فرە ئەسەبانی بین، وەلئ وەختای دیین چە
قسەگان ماسی بۆچکه له هەساوییه، قسەگە ی خوێان ئالشت کردن
و وەتن: ئەسلەن تو ئەرا چە بیخود خود شەکەت کە ی! ئیمە
هەرچی رۆژە هەر لە شەوکییهو، تا ئیوارە، دەور دنیا دەیمن، وئ
بیجگە لە خوێمان و باوگ و دالگمان کەسئ ترەک نیەوینیم، مەگەر
ورده کره گان، ک ئەوانیش وە دەرد نیەخوێن .

ماسی بۆچکه له وەت: ئیوه ک قولانجیگ لە ی گوولآوہ دۆر ئەو
نیەکەفتینه بەس چۆن دەم لە دنیاگەردی دەین؟

میکوتەسەرەگان وەتن: مەگەر بیجگە لە ی گوولآوہ، دنیا ی
ترەکیش هەس؟

ماسی بۆچکه له وەت: هەر هیچ نەو بایەد لە خوێتان پرسیار
کەن ک ئاو ئئ گوولآوہ لە کوورەو تئ، لە دەیشت ئئ گوولآوہ چە
هەس .

میکوته سه ره گان وه تن: ده یشت گوولآوه گه؟ ئیمه هیچ وهخت ده یشت گوولآوه گه نه یمنه. ها. ها. ها. تو لئویایده باوه! ماسی بۆچکه له یشت خه نین گرتی و دهس کرده خه نین. فکر کرد خاستره میکوته سه ره گان بیلیده جی و بچوود. له شوونیا فکر کرده و خاستره دو قسه وه گهرد دالگیشیان بکه د، پرسى: ئه رى دالگدان ها کوو؟

له ناکاوا دهنگ نزم قورواقینگ چرچگانه وهى. قورواکه گه له که م^۱ گوولآوه گه و له بان کوچکیگ خوهى مات کردبۆ. باز دا ناو ئاوه گه و هاته وهردم ماسی بۆچکه له گه و وهت: ئه وهمه هامة ئیره ئه مری داشتى؟

ماسی بۆچکه له وهت: سلام - خانم گه وره! قورواکه گه وهت: ئیسه کهى وهخت خوهى نیشان دایینه ههى نارپه سه ن بى شوون و لوون. مناله گان گیر هاوردییه قسه ی قه وى و نه پووړ^۲ ئه راپیان بکه ی! من ئه وقه ره ئمر کردمه ک بزانه دنیا هه ر ئى گوولآوه سه و بهس. خاستره بچى وه شوون کار خوه ده و و مناله گان من له پى دهرنه که ی.

ماسی بۆچکه له وهت: هه زار ئه وقه ره تریشه له یوا بزیه ی هه ر یه ی قورواک نه فام و داماگی.

۱. Kem کن، لا (کنار).

۲. Nepûrr زل، نه پووړیاگ، لهش قه وى.

قورواکه گه ئهسهبانی بی، پهلامار ماسیه گه دا، ماسیه گه یه ی خړ خوارد و وهک وای سه رکهش ئه پای ده رچی و خه پگ و کرم بن گولواوه گه شه له قان.

دوولّه گه پړ له پیچ و خه م بی. ئاوه گه یشی فره تره و بق، وه لئ ئه گه له بان کۆه گه وه تماشای بکردیای خه یال کردیای یه ی تال مه چیر چه رمگه. له یه ی شوونه و کوچک گه وره یگ له کۆه گه وه گل بقوه و که فته بقوه ناوړاس چه مه گه و ئاوه گه کرد بقوه ی دو به شه و.


یه ی مارمولک، وه قزم^۱ ناوه له پیگ، زگ خوه ی چه سپانوده کوچکه گه وه و له وه ر خوه له زهت برد و نووړسته قرژنگ گه وره یگ ک له سه ر شن و ماسه ی بن ئاوه گه و سیا بود و خه ریک خواردن ئه و قورواکه بیه ک شکاری کرد بقود. ماسی سییه بقچکه له گه له ناکاوا چه وئ که فته قرژنگه گه و له لئ په م کرد، به س له دۆره و سلامی کرد. قرژنگه گه تیر له لئ کرده و وهت: چ ماسی عاقل و مختداریگید^۲! به و به و بقچکه له!

ماسی بقچکه له وهت: من چم تا ده ور دنیا بیه م و نیه توام بوومه شکار جناب عالی.

قرژنگه گه وهت: ئه پرا چه ئه وقه ره به دگومان و ترسنوکی ماسی بقچکه له؟

۱. Qizm نه اندازه.

۲. mixtdar بانه ده و (بادب).



ماسی بۆچکه له وهت: من نه به دگومانم نه ترسنۆک، ههر چشتی
بۆشم وه چهو دوینمهی و وه مهغز ده رکئی کهم.
قرژنگه گه وهت: فره خاسه، بفرما بزانم چهوت چه دی و مهغزت
چه چشتی ده رک کرد، ک تو خه یال کهی من نیهت دیرم تو شکار
بکه م؟
ماسی بۆچکه له وهت: دی، خوهرت زانی چه ئۆشم!

قرژنگه گه وەت: مەنزور د ئی قورواکەسە؟ تو هەمرای منالی
باوە! من وە گەرد ئی قورواکەیلە لەجم هەر وەی خاترە شکاریان
کەم. زانی چە، ئیانە خەیاڵ کەن خوەیان تاقە گیاندار دنیان و
خوەشەخترینیشن. من توام بپرسنمانە و ک لە راسیا دنیا ها وە
دەس کی! تو دی زاورت نەچوو گیانەگەم! بەو، بەو وەرەو!

قرژنگه گه ئی قسه یله کرد و پشتاو پشت و وە کولەپسکی، چی
وەرەو ماسی بۆچکەلەو. ئەوقەرە خەنیدار ری کرد ک ماسییه گە
دەس کردە خەنین و وەت: بپهخت! تو هەمرای نیەتوانی خاس
ری بکە، دی چۆن زانی دنیا ها دەس کییەو؟

ماسی سییه لە قرژنگه گە دۆرەو کەفت. سایه ریگ کەفتە سەر
ئاوگە و لە ناکاویە چی پوو ک تون دریا لە قرژنگه گە و برده ی
ژیر ش و ماسه گەو. مارمولکەگە ئەوقەرە وە دیمەن قرژالەگە
خەنی ک سڤ برد و خەریک بی خوەیشی بکەفیتە ناو ئاوگە.
قرژالەگە دی نەتوانست بایدە بان. ماسی بۆچکەلە تماشای کرد، دی
شوانیگ لە لای ئاوگە و سایه و نوورپیدە ئەو قرژنگه گەو.
پەسەگانئ لە ئاوگە نزیک بینەو و دەم نانە ناو ئاوگە. دوولەگە
پڤ بی لە دەنگ قارە قار و بارپە ی بار.

ماسی سییه بۆچکەلە دەس گیر دا تا پەس و بزنگان تیرو بین
و چین، ئمجا چرپیەو مارمولکەگە و وەت: مارمولک گیان! من ماسی

سییه بۆچکه له گه م چم تا ئاخر جووه گه بوینمه و، فکر که م تو یه ی گیاندار زانا و عاقلیگیت، ئه پرا ئه وه سه توام چشتیگ لیت بپرسم.

مارمۆلک وهت: هه رچۆ ک خواهشت تۆ بپرس!

ماسی بۆچکه له وهت: له ناو ری فره جار زاوړم بردنه و له سه قای^۱ ئاوکیش و ماسی دگان هه پهی و ماسیخوهرگه. ئه گه ر تو چشتیگ له باره ی ئیانه وه زانی بۆشه و پیم.

مارمۆلک وهت: ماسی دگان هه پهی و ماسیخوهرگه، وه ی ناوه نییه، وه تاییهت ماسی دگان هه پهی له ناو ده ریا ژیه د، وه لئ سه قای ئاوکیش شاید له ی خواره وه بوو، هووشده خوه ده و بوو، نه کا گوولت بده ی و بچیده ناو کیسه گه یه و.

۱. سه قای ئاوکیش: "مرغ سقا" جووره مه لیگه ماسی خوهره له ته نشت ده ریا، چه م و جوو ژیه د و کیسه ی گه وره یگ ها بن ملی و ورده ماسی گری و خه یده ی ناو ئه و کیسه یه.



ماسی بۆچکه له وهت: کیسه ی چه؟

مارمولک وهت: سه قای ئاوکیش، کیسه یگ ها ژیر ملی ک فره ئاو
هه لگری، سه قای ئاوکیش له ناو ئاو مه له که د و فره جار
ماسیه گان نازانن سه ر که نه ناو کیسه گه یه و و یه کپاس چنه ناو

۳۱ ماسی سییه بۆچکه له

زگییه و. ئەلبەت ئەگەر سه قای ئاوکیش ورسگێ نهود، ماسییه گان
هر لهو کیسه هه لگري و دواجار خوهیدهیان .

ماسی بۆچکه له وهت: باشه ئەگەر ماسی چیه ناو ئەو کیسه،
دی نیه توانی خوهی پرگار بکه د؟

مارمۆلک وهت: نه خهیر مه گەر کیسه گه بدری، من یه ی خنجهر
دهمه پیت ک ئەگەر که فتیته دام سه قای ئاوکیش کیسه گه ی بدر .

مارمۆلکه گه خوهی کرده بهین تلیشه ی کوچکیگا و وه گهرد
خنجهر فره بۆچگیگ گله و خوارد. ماسی بۆچکه له خنجهر گه وه لئ
وهر گرد و وهت: مارمۆلکه گیان! تو فره مپهره بانی، نیه زانم چون
سپاست بکه م .

مارمۆلک وهت: قابل نهیری گیانه! له ی خنجهر هیله فره دیرم .
وهختای بیکارم، دانیشم و له ساقه ی گیا خنجهر خاس که م و
دهمه ی ماسیه ییل زانا جوور خوهت .

ماسییه گه وهت: ئەرا مه گەر وەر له من ماسی ترهک وه ئیریا پهد
بییه ؟

مارمۆلک وهت: فره ی فراوان وهیرهیا پهد بییه . ئەوان ئیسه دی
ئەرا خوهیان بییه سه ده سه یگ و کابرای ماسیگر تهنگه تاو کردنه .

ماسی سییه بۆچکه له وهت: بوه خشین، ئۆشن قسه قسه تیری،
بی ئەده بی نهودن له پۆدان، بۆش بزانه چون کابرای ماسیگر تهنگه
تاو کردنه ؟

مارمولکه‌گه وەت: ئاخەر، ئەوہ نییە گشتیان ھانە گەرد یەکا، ھەر وەختی ماسیگرەگە توورەگە‌ی خە‌ی، گشتیان گەرد یەکا چنە ناو توورەگە‌ی و وە گەرد خوەیانا کیشنە‌ی ئەرا بن دەریا .

مارمولکه‌گە گووش نا وە تلش کوچکەگەوہ و وەت: من دی بایەس مەرەخەس بم، منالەگانم ھەلسانە .

مارمولکه‌گە خوە‌ی کردە تلش کوچکەگە‌یا، ماسی سییە بۆچکە‌لە وە ناچاری کەفتە رێیا، وەلئ ھەیتاھەیت پرسیار لە خوە‌ی کرد؛ پاسی جووہگە پشیدە ناو دەریایا؟ سەق‌ای ئاوکیش نیە تئید ئەو دیارم؟ پاسی ماسی دگان ھەرپەیی دلئ تئ ھاونەوہگە‌ی خوە‌ی بکوشئ و بخویدە‌ی؟ باشە ماسیگر چ دژمنایەتئگ گەرد ئیمەیا دئیرئ .

ماسی بۆچکە‌لە وە دەم مەلە کردنەو چئ و فکر کردیاد . لە ھەر قولانجە رینگ، چشت تازەگ بیاتا یادئ گردیاد . پەر وە دل خوشی ھاتیا لە تاڤگە و شەتاوہگان وەر بوودەو و مەلە بکەد . وەخت‌ای گەرمی خوەر دا لە پشتئ مۆچرکە خستیا دە ناو دل و دەروونئ . ماسی بۆچکە‌لە تەقیاوہ ئاسکئگا ک وە ھەلەپەلە ئاو خواردەوہ، سلامئ کرد و وەت: ئاھوو قەشەنگ! چە دە ھەلەپەلە دە؟

ئاسکەگە وەت: پاوچی پاوم نایە و گولەگیش دایەسە لیم، ئەوہسە بوینە‌ی .

ماسی بۆچکە‌لە جی گولەگە‌ی نەدی، وەلئ نوورپست ئاسکەگە وە شەل شەل رئ کەد، ئەوسا دی باوہر وە پئ کرد . لە شوونئگ یە‌ی

هه مگه کیسه له وهر خوهر خه وه قۆتکه یان برده و له شوونئ
ترهک دهنگ شاقه ی که وه گان دووله گه ناویهک^۱. بوو گیا و گول
کۆیهی مهوج داو و وه گهرد ئاوه گه یا هامیته بی.

ئهرا دقای نیمه رۆ په سییه شوونئینگ ک چه مه گه وه رولاوتر بی و
ئاوه گه وه ناوه ی بیهیگا پرده بیاد.

ئاوه گه ئه و قهره فره بی، ماسی بۆچکه له گه له پاسیا که یفخووش
بی! له شوونئیا سه ری ته قیا وه ماسیه یل فره ترینگا. له زه مانینگ ک
له دالگی جیا بۆه، ماسی نه بۆ. چه ن گله یگ ورده ماسی دهوری
دان و وه تن: چه مانئ قه ریب و نامووی؟

ماسی سییه وه ت: به لئ قه ریبیم و له ری دۆرینگه و تیه م.

ورده ماسیه گان وه تن: ئه ی توای ئهرا کوره جی؟

ماسی سییه وه ت: چه تا بن جووه گه بۆنمه و.

ورده ماسیه گان وه تن: کام جوو؟

ماسی سییه وه ت: هه ر ئی جووه ک له ناوی مه له که یمن.

ورده ماسیه گان وه تن: ئیمه وه ئیه ئوشیم چه م.

ماسی سییه هیچ نه وه ت. یه کینگ له ورده ماسیه گان وه ت: زانی

سه قای ئاوکیش ها سه ر پیه گه د؟

ماسی سییه وه ت: به لئ، زانم.

۱. Şaqeyan dûllege naw yek دهنگ شاقه یان پیجیا له دووله گه.

یه کئی ترهک وهت: ئه وهیشه زانستی ک سه قای ئاوکیش چ
کیسه ی گه وره و وشایگ دیری؟
ماسی سییه وهت: ئه وهیشه زانم.

ماسی ورده گه وهت: ئیانه زانید و هه میش هه ر تواید بچید؟
ماسی سییه بچکه له وهت: به ئی، وه هه ر له ونیگ بیه بایه س
بچم!

ئی خه وره قه یت فه وری^۱ له ناو ماسییه گان په خشه وپی. ماسی
سییه ی بچکه له یگ له ری دۆره و هاتییه و توای بچوود ئاخر
چه مه گه بۆنیده و و رخیشی له سه قای ئاوکیش نیه چوود! چه ن گله
له ورده ماسییه گان که فتنه وه سواس ئه پرا ئه وه یگه وه گه رد ماسی
سییه گه یا بچن، وه لی له ترس گه وره گان زات نه کردن هیچ بۆشن.
چه ن دهنک تره که لیان وه تن: ئه گه ر له ترس سه قای ئاوکیش
نه ویاتا وه گه ر ددا هاتیایمن، ئیمه زاورمان وه کیسه گه ی سه قای
ئاوکیش چوود.

دیه که یگ^۲ له لیوار^۳ چه مه گه بی، ژن و دۆه ته یل دیه که گه هاتیان
ده فر^۴ و دوول^۵ و دلنگه گانیان^۵ له چه مه گه شووردیان. ماسی

۱. Qeyti fewrî فه ورن.

۲. Dyeke دیکه، گوند، ناوای.

۳. Lêwar لیو (ساحل).


۴. Defr ناچت، که لوپهل (ظرف).

۵. Dilling جلویه رگ، سیپال. له باس.

۳۵ ماسی سییه بۆچکه له

بۆچکه له گرپگ گووشه دهنگیان ته کان و قردیگیش نوورپسته مه له
کردن مناله گان و کهفته پینیا. هه ر چی و چی تا شه وه لئ هات، لا
گرته بن کوچکیگا و خهفت. دوکووتشه وار له برسم هات. تماشا کرد
چه تریفه ی مانگ دایه له چه مه گه و گشت لایگ پرووشن ئه و کردییه.
ماسی سییه بۆچکه له فره خوه شی له مانگ هات. ئه و شه وه یله
ک مانگ هه لات و له ئاوه گه شه وق داوه، ئه پای بکریاتا له بن
قه وزه گان هاتیاده ده ر تا چه ن قسه یگ وه گه ردییا بکه د، وه لئ
هه رچی جاره دالگئ له خه وا هات، سرپانه ی ژیر قه وزه گان و
خه فانیاده ی.

ماسی بۆچکه له چی ئه پرا لای مانگ و وه ت: سلام، مانگه
نازاره گه م!



مانگ وهت: سلام، ماسی سییه بوچکه له! تو له ئیره چه که ی؟
ماسیه گه وهت: دنیا گه رد م.

مانگه که وهت: دنیا فره گه ورهس، نیه توانی گشتی بگه ردی.

ماسیه گه وهت: قه ی نیه که ی، تا ئه وره یگه وه پیم بکرید.

مانگ وهت: خووشم هات تا شهوهکی له لات بم، وهلی ئه و له که
ئه ور سییه خه ریکه ئه پرا ئیره تی و دیمهن و پوومان^۱ داپووشی.
ماسی سییه وهت: ئه ی مانگ نازارا! من خووشم وه نور و تریفه ی
تو تی. خووشم تی هه میشه تریفه ت بیهیده لیم.

مانگ وهت: ماسی هه نین! پاسی من خوه م بی نورم، خوه ر نور
به خشیده پیم و منیش په خشی که مه سه ر زه وییا. پاسی تو ئه وه
ژنه فتیه ک ئایه مه گان توان چهن سالینگ تر باله و بگرن و بان له
بان من بنیشه و؟

ماسیه گه وهت: ئیه هه ر نیه ود و نیه کرید.

مانگ وهت: کار سه ختیگه، وهلی ئایه مه گان هه ر کارئ دلئیان
بخوازی...

مانگ هه مرای^۲ قسه گه ی ته مام نه کردبو ک ئه وره سییه گه هاته
بان سه ری و داپووشا. دنیا سه رله نوو تاریکه و بی. ماسی سییه گه
وه تاق ته نیا ماوه. ئه پرا چهن ده قه یگ کپ و کپ و سه رسام
نوورسته تاریکایه گه، له شوونیا خوه ی خزانه بن کوچکیگا و
خه فت.

شه وهکی وهل تلو ق به یانا^۳ له خه وه لسا، نوورست دی چهن
ده نک ماسی هانه ده ور سه ری و خه ریک چیه چپن، ک هه نای^۱ دین

^۱ Rûman روومهت.

^۲ Hemray هیمان، هیشتا.

^۳ Tilüqi beyan تلو ق سوو، شه وه کی زۆ.

ماسی بۆچکه له له خو هه لسا، گشتیان گهرد یه کا وه تن: سووا وه
خیر!

ماسی سییه هه ر زو ناسیه یان و وه ت: سووا وه خیر! ئاخره گه ی
له شوونما هاتین؟!

یه کیگ له ورده ماسیه گان وه ت: به لئ، وه لئ هه مرای ترسمان
نه شکیا یه .

یه کیگ تره ک وه ت: ترس سه قای ئاوکیش ده س هه لگرمان نییه .
ماسی سییه گه وه ت: ئیوه فره تر فکر که ین، نیه ود ئه وقه ره فکر
بکه ینه و، هه ر وه ختی بکه فیمه پینا وه گشتی ترسمان شکئ .

وه لئ هه نای تواستن بکه فنه پینا، ئاوه گه ی ده ور و وه ریان هه لسا
و سه رپووشینگ کیشا مل سه ریانا، دنیا له وه ر چه ویان بییه سوو
گونووژینگ^۱! پئ نجاتیشیان نه ما .

ماسی سییه دی زانست که فتنه دام سه قای ئاوکیش .
ماسی سییه بۆچکه له وه ت: ره فیقان! که فتمه سه ناو کیسه ی
سه قای ئاوکیش، وه لئ پئ قوتارمان وه ته مامی نه وه سربایه .

ورده ماسیه گان ده س کردنه نوکه نوک، یه کئ له لییان وه ت:
تازه دی رزگار نیه ویمن، ته خسیر تونه سه ر کردیده سه رده نگمان و
له پئ ده رمان کردی!

۱. Henay وهختای، هه گ، ده صی .

۲. Gunjū نامیژینگه له ده رزی گه وره تر ئه پرا کت و ته قه لدان (جوالدوز).

یه کێ ترهک وهت: ئیسه دی گشتمان قوت دهی و خه لاسمان

کهی!



له ناکاوا دهنگ تریقانه وهی سامناکێ له ناو ئاوه گه دهنگ داوه،
تریقانه وهی سه قای ئاوکیش بی، خه نی و وهت: چ ورده ماسییگ
که فتیه سه قالم! ها ها ها... وه راستی دلم وه پیدان که واو
بوو، دلم نیه تی بخوه مه دان! ها ها ها...

ورده ماسییه‌گان دەس کردنه لالکە لالک و وەتن: حەزرت جناب سەقای ئاوکیش! ئیمە فرە وەختە ناوبانگ تو ژنەفتیمە، ئەگەر مەرەمەت بکە، ئەو دەنۆک بمارکدە کەمیگ داچەقنی^١ تا ئیمە بچیمنە دەر، هەتا هەسەمان هەر دوغای خێر ئەرا وجود تەوەرک کریاید کەیمن!

سەقای ئاوکیش وەت: ئیترنگە نیەخوهمەدان، ماسی ترەک دێرم، تماشای ئەو خوارە بکەن.

چەن دەنکیگ ماسی ورد و گەورە هەلپشانبۆه ناو کیسەگە. وردە ماسییه‌گان وەتن: حەزرت جناب سەقای ئاوکیش! ئیمە هیچ کاری نەکردیمە، ئیمە بیگونایمن، ئی ماسی سییە بۆچکە ئە ئیمە لە پێ دەر کردییه...

ماسی بۆچکە ئە وەت: ئەی زاورچییه‌گان! خەیاڵ کەین ئی مەل کلاوچییه، کانگای بەخشینه ک لەیوا لە لی لالکەینهو؟ وردە ماسییه‌گان وەتن: تو خوہتیش نیەزانی چە ئۆشی؟ ئیسە دۆنی حەزرت سەقای ئاوکیش چۆن ئیمە بەخشێ و تو قۆتا دەی! سەقای ئاوکیش وەت: بەلێ بەخشەتان، وەلێ وە یە مەرچیگ.

ورده ماسییه‌گان وەتن: مەرجه‌گەت بۆشن قوربان!

١. Daçeqanin داچەکانن، ئەوکردن، واز کردن.

ماسی سییه بۆچکه له ٤١

سه قای ئاوکیش وهت: ئی ماسیی فزوولّه بکوشن تا ئازادی
خوهرتان وه دەس بارین!

ماسی سییه بۆچکه له تهک دا ئه و لاه و هالهت جهنگه ری بین
وه خوهری گرت. وه ورده ماسییه گان وهت: قه ببول مه کهن! ئی مهل
کلۆچییه تواد بنه یده مانه زگ یه کتری. من نه خشه یگ دیرم.
وه لای ورده ماسییه گان ئه وقه ره له هور ئازادی خویانا بین، هور
له هیچ چشت ترهک نه کردنه و پرمیانه کول ماسی بۆچکه له گه یا.
ماسی سییه خوهری خزان وهره و لای کیسه گه و وهت: زاورچییه گان!
ئیسه دی گرفتار بینه، پری نجات نه یرین و ده رقه ت منیش
نیه تیه ین.

ورده ماسییه گان وهتن: بایه د بتاسنیمهت، ئیمه ئازادی توایم!
ماسی سییه وهت: ئه وه شیت بینه! منیش بتاسنین هه ر ئازاد
نیه وین، کلۆ ئه و نه چووده سه ردان!

ورده ماسییه گان وهتن: تو ئی قسه یله ئه پرا ئه وه که ید خوهر
ره ها و رزگار بکه ید، دهنه، هیچ وهخت فکر وه ئیمه نیه که ی!
ماسی سییه وهت: بهس گووش بته کنن تا ریگه یگ نیشاندان
بیهم: من له ناو ماسی مردییه گان هه لازیهم و خوم که مه مردی، با
بزانم سه قای ئاوکیش ئازادتان که ی یا نه . ئه گه ر وه قه ولّم نه که بین
وه ی خنجه ره گشتان کوشم ، یا کیسه گه له ت و پهت که م و ئه پرا
خوهرم ده رچم و ئیوه یش...

۴۲ و: سارو خوسرهوی

یه کیگ له ماسییه گان دا ناو قسه گه یا و هت: به سه دی! من
تاوشت^۱ ئی قسه یله نه یرم.. ئوهوو.. ئوهوو .. ئوهوو...
ماسی بۆچکه له، ک چه ویی که فته گریانه گهی و هت: ئهی منال
ورکگره^۲ ئه پرا چه وه گهرد خوه دانا هاوردینه؟



۱. Tawışt تاقهت (تحمل).

۲. Wirrik gir په لپگر، ویاننگر، به هانه گر.

ئمجا خنجه ره گه ی هه لکیشا و گرته ی وهر دهم ورده ماسییه گانا .
ئوان ناچار بین پینشیاره گه ی ماسی بۆچکه له قه ببول بکه ن . وه
دروو که میگ دانه لی . ماسی سییه خوه ی کرده مردی و ئه وانیش
هاتنه بان سه ری و وه تن : چه زهت جناب سه قای ئاوکیش! ماسی
سییه فزوول گه تاسانیمن . سه قای ئاوکیش خه نی و وه ت : کار
خاسی کردین . ئیسه له پاداش ئه و کاردانه ، گشتدان وه زینئ قوت
دهم تا وه ناو دلما سه فهر چه ساویگ بکه یین!
ورده ماسییه گان مه جالیان نه ما ، جوور بلاچه^١ له قورگ سه قای
ئاوکیش چینه و خوار و کاریان ته مام بی .

وه لی ، له و دهما ، ماسی سییه ، خنجه ره گه ی هه لکیشا و وه یه ی
هه لمه ت گرته و دهر کیسه گه و درپه ی و دهر چی . سه قای ئاوکیش
دس کرده هات و هاوار و سه ر خوه ی دا ناو ئاوه گه یا ، وه لی
نیه ته ونست بکه فیده شوون ماسی بۆچکه له یا .

ماسی بۆچکه له هه ر چی و چی تا بییه نیمه رو . ئیسه دی کوه و
دوول ته مام بییه و چه مه گه وه ده یشت هاواری و دلوازیگا چیا د .
چه ن ده نکینگ تر چه م بۆچکه له وه لای پاس و چه پا رشیانه ناو
چه مه گه یا و ئاوه گه ی چه ن قاته و کردبۆن . ماسی سییه له فره یی
ئاوه گه که یفخوه ش بۆ . له ناکاوا له برسم هات و نوورس دی ئاوه گه

^١ Billaçe وریسکه ، بریسکه ، بهرق .

بن نهیرئ. ئی لا کرد، ئەو لا کرد، نەپەسییه هیچ شوونینگا. ئاوهگه ئەوقەرە فرە بی ماسی بۆچکەلە لە ناوییا هاتە گوما! وه کهیف دل خوهی مه له کرد، وهلئ وه هیچ شوونینگا بر نه کرد. له ناکاوا دی چه یه ی جانەوهر دریژ و قهوی، جوور بلاچهی بهرق ههلامات ئهپای تیرئ، یه ی ههپه ی دو دهر وه ده مییه و بی. ماسی بۆچکەلە چیه ناو فکروهو، هاکا زانست ماسی ههپه یی لهت و په تی بکه د، کوتپر وه هانای خوهی رهسی و هاته سه ر ئاوهگه، له شون ماوهیگا سه رله نوو چیه و ژیر ئاوهگه ئه پا ئه وه ی ک بن ده ریا بوینی.

له دوکوتی رییا توش برینگ ماسی هات – هه زاران هه زار دهنک ماسی بین! له یه کیلیان پرسی: په فیق! من غه ریبم، له رئ دۆرینگا تیه م، ئیره کوورەس؟ ماسی سه رگه وراگه یان، ره فیه گانئ چرئ و وه ت: تماشا بکه ن! یه کئ تره ک...

ئمجا وه ماسی سییه گه وه ت: ره فیق، وه خیر بای ئه پا ناو ده ریا!

ماسی تره ک وه ت: ته مام جوو و چه مه گان پشه نه و ئیره، ئه لبه ت بریگیان پشه نه گه پاو و گولاوه گانا.

یه کئ تره ک له لییان وه ت: هه نای خوه شت هات، توانی بایت ئه پا ناو ئیمه .

ماسی سییه بۆچکەلە فرە که یفخوه ش بی ئه پا یه گ په سییه سه ده ریا یا و وه ت: خاستره یه کمجار یه ی قه ده میگ بیه م، ئه و جار بام

قاتی ئیوه بم. خوهرشم تی ئیجاره ک توور کابرای ماسیگر پواکنن^١،
منیش وه گهردانا بم.

یه کیگ له ماسییهگان وهت: وهی زق وه ئاوات خوهرت پهسی.
جاری بچوو قهدهمیگ بیه، وهلی ههر وهخت کهفتیه سهر ئاوهگه
هووشت وه لای ماسیگرهگه وه بود. له ناو ئی رۆژهیله باکیان له
کهس نییه، ههرچی رۆژه تا چوار پهنج ماسی شکار نهکهن دهس له
سه زمان هه لئیه گرن.

ئو جا ماسی سییه له ماسییهگان ناو ده ریا جیاوه بی و دهس
کرده مه له کردن. که میگ له شوونی هاته سهر ئاوهگه. خوهر بان
گهرم بی، ماسی بۆچکه‌له ههست و ئی حساس وه گهرمی نور خوهر
کرد و له زهته لی برد. ئارام و خوهرش دهس کرده مه له کردن و وه
خوهی وهت: ئیسه فره وه ئاسانی مهرگ توانی باید وهره و پیرمه و،
وهلی من تا ئه و شوونی ک توهنم ژیه م، نه بایهس بجمه پیشواز
مه رگه و. ئه لبت ئه گهر وهختی له نالانجی روه رق مهرگ بوومه و- ک
بووم - مهم نییه، مهم یه سه ک ژیان یا مهرگد توانی چ ئه سه ریگ
له بان ژیان مه ردم تره ک بداشتوو...

ماسی سییه بۆچکه‌له نیه توهنس له وه زیاتر شوون هور و خه یال
خوهی بگری. ماسیخوه رگه ی هات دا لی و هه لی گرت و برده ی.
ماسی بۆچکه‌له له ناوه ی ده نوک دریز ماسیخوه رکه گه قوله فری

١. Riwakanin رفاندن، ره فاندن.

کرد، وه لئ نیه توه نس خوهی قوتار بکه د. ماسیخوهره گه جووریگ
سفت و قایم که مه ری گرتبؤد، خه ریک بی گیانی دهر بچوو! ئاخو،
یهی ماسی بوچکه له تا چه نیگ توانی له دهیشت ئاو زینئ بمینئ؟
ماسییه گه خووش داشت ماسیخوهره گه گه قوتئ بیهد تا هر هیچ
نهد ئاو و پتوبهت ناو زگ ئه و، ئه پرا چه ن ده قه یگ مه رگئ ئه ودوا
بخهد. وه ده م ئئ فکر و خه یال ه و وه ماسیخوهره گه وهت: ئه پرا چه
وه زینئ قوتم نیه یه د؟



ئاخر من لهو ماسییه یله مه ک له شوون مردن له شم ژاراوی
ئه و بوود .

ماسیخوهره گه هیچ قسه یگ نه کرد و چیه ناو فکرا: ئه ی
کلاوچی! چه ها له ژیر کلاود؟ توای باریده مه قسه کردن و خوهت
ده ربکه ی؟

هه‌رچێ هات زیاتر له وشکایی نزیکه‌وبۆن. ماسی بۆچکه‌له چۆده^١ ناو فکرا: "ئەگەر بڕه‌سمه وشکایی، دی کارم ته‌مامه" ئەوه به‌ی وهت: زانم، توای بویده‌م ئە‌را وه‌چکه‌گاند، وه‌لێ هه‌ر وختێ بڕه‌سیمه وشکایی ئە‌وه من مرم و له‌شم کیسه‌یگه پڕ له‌ ژار. ئە‌را چه‌ به‌زه‌بیید وه‌ وه‌چکه‌گان‌تا نیه‌تێ؟

ماسیخوه‌رگه فکر ئە‌وکرد: ئتیادیش کار خاسیگه! من خوه‌م خوه‌مه‌د و ماسی تره‌ک ئە‌را وه‌چکه‌گانم شکار که‌م... وه‌لێ بوینم ها کلاو نه‌نه‌یده سه‌رم؟ نه‌، هه‌چ کاریگ وه‌ پیت نیه‌کری‌د!

ماسیخوه‌رکه‌گه له‌ ناو فکر و خه‌یالا بی ئە‌وه‌قهره زانست به‌ده‌ن ماسی سییه‌، شل و خاوه‌وبیه‌ و جۆله له‌ لێ بپریا. له‌ وه‌ر خوه‌یه‌و فکر ئە‌وکرد: یانی مردییه‌؟ ئیسه‌ دی خوه‌میش نیه‌توانم بخوه‌مه‌ی، وه‌ ده‌س خوه‌م ئێ ماسی نه‌رم و نازکه له‌ کیس دام!

ئە‌وه بی ماسیخوه‌رگه چپی له‌ ماسی سییه‌یا ک بۆشی: ئە‌های بۆچکه‌له! بویشه پیم بزانی هه‌مانێ نیمه گیانی تا ک بتوانم بخوه‌مه‌د؟

وه‌لێ نه‌تۆهنس قسه‌گه‌ی ته‌مام بکه‌د، چۆن ک هه‌نای ده‌تۆکی واز کرد، ماسی سییه‌ ده‌ره‌پری و هه‌وا به‌سیا. ماسیخوه‌رگه ک زانست خراو کلاو نزیاسه‌و سه‌رئ، که‌فت له‌ سه‌ر ماسی بۆچکه‌له‌. ماسیه‌گه جوور به‌لاچه‌ی به‌رق وه‌ ئاسمانه‌و قۆچه کردیا وه‌ره‌و ناو

١. Çüde ئێ کاره له‌ ئە‌سلا "جیۆده"، له‌ سوێرانی "چووبوه" له‌ فارسی (رفته بود).

ئاو ده‌ریاگه، هوش له سه‌ری نه‌ما‌بۆد و ملاق وشکی واز کردبۆد
ئه‌پرا هه‌وای نمدار ده‌ریاگه. وه‌لئ هه‌نای په‌سییه ناو ئاوه‌گه و
هه‌ناسی تازه کردهو، ماسیخوه‌ره‌گه ئه‌قه‌ره وه خیرایی شکاری کرد
و قۆتی دا ماسیه‌گه تا موده‌تێگ نه‌زانس چ به‌لایگ وه سه‌رئ
هاتییه.

ئێحساس کرد چوار ده‌ورئ نمداره و تاریک، پئ ده‌رچیین نه‌یرئ
و ده‌نگ گریان هات. هه‌نای چه‌وه‌یلئ وه تاریکی هووکاره بی،
چه‌وئ که‌فته ماسی بۆچکه‌له‌یگ ک له کوله‌سۆکیگ کز هه‌لانبۆ و
گری کرد و داوای دالگئ کرد. ماسی سییه‌گه نزیکئ ئه‌وبۆ و وه‌ت:
بۆچکه‌له! فکر وه رئ چاره‌یگ بکه، گری که‌ی و دالگد توای ک چه
بوود؟

ماسی بۆچکه‌له وه‌ت: تو دی کیت؟ مه‌گه‌ر نیه‌وینئ خه‌ریکه له
ناو چم؟ ئوه‌ووی! ئوه‌ووی... دالگه من دی نیه‌تۆه‌نم وه گه‌ردت
بام و توو‌پ کابری ماسیگر بوه‌یمنه بن ده‌ریا... ئوه‌ووی ئوه‌ووی!
ماسی سییه‌ی بۆچکه‌له وه‌ت: بو‌پوه‌ی دی باوه، ئاب‌پۆ هه‌رچئ
ماسییه بردی!

هه‌نای ورده ماسیه‌گه ئاموش بیه‌و؛ ماسی سییه بۆچکه‌له‌گه
وه‌ت: من توام ماسیخوه‌ره‌گه بکوشم و ته‌مام ماسیه‌گان قوتار
بکه‌م، وه‌لئ بایه‌د ئه‌وه‌ل‌جار تو کل بکه‌مه ده‌ر تا ئاب‌پۆمان نه‌وه‌ی.
ورده ماسیه‌گه وه‌ت: تو ک خوه‌ت خه‌ریکه مرید، چۆن توای
ماسیخوه‌ره‌گه بکوشی؟


ماسی بۆچکه له خنجهرهگه ی نیشانی دا و وهت: هه ره لهیره و زگه
دېم. ئیسه گووش بگر بزانه چه ئۆشمه پید: من دهس کهمه جه پ
پیچ و ئیلا و ئەولا تا ماسیخورهگه ختکه ی^۱ بای، هه ره وهختی
دهتۆکی چه کانه و دا ژێر تریقه ی خه نینه، تو بپه ره ده ر!

ورده ماسیه گه وهت: ئە ی خود چه ؟

ماسی بۆچکه له گه وهت: کارده من نه ود. من تا ئی نارپه سه نه
نه کوشم، نه ته مه و ده ر. ماسی سییه گه ئیه وهت و دهس کرده
جه پ و پیچ خواردن و ختکه متی دایینه ماسیخوره گه . ماسی
ورده گه گورج و ئاماده له وه ره ده ر گه یه ی^۲ ماسیخوره گه و سیا بۆد .

۱. Xitke ختکه متی (قلقلک).

۲. Geye گه ده، (معهده).



هه تا ماسیخوره گه ده توکی نه چه کانود و دا ژیر ترپه ی خه نینا،
ورده ماسیه گه له دم ماسیخوره گه وه په پیه دهر و له شوون
که میگ، شلپ که فته ناو ئاوه گه یا. وه لئ هه چئ چه وه پئ ما،
خه وه ریگ له ماسی سییه گه نه بو. له ناکاوا دی چه ماسیخوره گه
هاته هه زاره و دهس کرده هات و هاوار، تا ئاخزه گه ی دهس کرده
په له پرتگ و هات وهر و خوار، شلپ دا وه ناو ئاوه گه یا و چکن

۵۲ و: سارۆ خوسره‌وی

قوله فری کرد و سارده‌بو. وه‌لی خه‌وه‌ریگ له ماسی سییه
بوچکه‌له‌گه نه‌بو و تا ئیسه‌یشه کهس خه‌وه‌ری نیه‌زانی.

ماسی پیره‌گه حه‌کایه‌ته‌گه‌ی ته‌مام کرد و وه‌ ده - دوانزه هه‌زار
وه‌چکه و نه‌وه‌گان خوه‌ی وه‌ت: ئیسه‌ دی وه‌خت خه‌وه‌ مناله‌گان،
هه‌لسن بچن بجه‌فن!

وه‌چکه و نه‌وه‌گانی وه‌تن: دایه‌ پیره‌! نه‌وه‌تیده پیمان ماسی
بوچکه‌له‌گه چه‌ وه‌ سه‌ری هات؟

دایه‌ پیره‌ وه‌ت: ئه‌وه‌ بیلن ئه‌پرا باناشه‌و. ئیسه‌ وه‌خت خه‌وه‌،
شه‌و خوه‌ش!



یانزه هزار و نووسه د و نهود و نوو (۱۱۹۹۹) ماسی بۆچکه له شهو خوهش وهتن و چیین خهفتن. دایه پیرهیش خهوی بردهو، وهلی یه ماسی قرمز بۆچکه له هه رچی کرد، خهوی نه هات. هه تا شهوهکی له هۆر ده ریایا بی...

Masî siye bûçkelle, çîrokêge taybet we minallan (zaruweyl) ki yekêg le şakareyli nüseri êranî we naw semed bêhrengîye û werasî le naw edebiyati farsî karêg bê wênes. berêz saro xosrewî wergêranê kirdêyese ser ziwani kurdî kelhurî ta minalleyli başûri rojhelati Kurdistan ki we ê zarawe qise ken bitwanin we ziwani dalligî xweyanew bixweniney û kelle lê wer bigrin.

Masî siye büçkelle

Nüser: semed bêhrengî

Wergêran: saro xosrewî

Wêraşter û amadekar: jiyar cehanferd

Swêd

2015